



PROPOZICIJE
TAKMIČENJA KUPA REGIJA NS/FS BiH
za 2026. godinu

Sarajevo, Decembar/Prosinac 2025. godine

Na osnovu člana 35. Statuta Nogometnog/Fudbalskog saveza Bosne i Hercegovine, a na prijedlog Komiteta za takmičenje NS/FS BiH, Izvršni odbor NS/FS BiH, na sjednici održanoj 29.12.2025. godine u Sarajevu, d o n o s i

PROPOZICIJE TAKMIČENJA KUPA REGIJA za 2026. godinu.

OPŠTE ODREDBE

Član 1.

Ovim propozicijama utvrđuje se način organizacije i provođenja takmičenja Kupa regija Nogometnog/Fudbalskog saveza Bosne i Hercegovine za 2026. godinu.

UČESNICI TAKMIČENJA

Član 2.

U takmičenju Kupa regija NS/FS BiH obavezno je učešće svih amaterskih reprezentacija kantonalnih/županijskih i područnih saveza sa teritorije NS/FS BiH:

1. NS Posavske županije Orašje
2. FS Bosansko - Podrinjskog kantona
3. NS Hercegovačko - Neretvanske županije / kantona /
4. NS Županije Herceg – Bosanske Livno
5. Županijski NS Zapadnohercegovački
6. Fudbalski savez kantona Sarajevo
7. NS Srednjobosanskog kantona/Kantona Središnja Bosna
8. NS Tuzlanskog kantona
9. NS Unsko - Sanskog kantona
10. NS Zeničko - Dobojskog kantona
11. PFS Banja Luka
12. PFS Gradiška
13. PFS Istočno Sarajevo
14. PFS Prijedor
15. PFS Trebinje
16. FSP 'Semberija – Majevisa – Birač' Bijeljina
17. PFS Doboij

USLOVI ZA UČESTVOVANJE U TAKMIČENJU

Član 3.

Utakmice Kupa regija NS/FS BiH igraju se na stadionima koji ispunjavaju uslove za odigravanje utakmica Premijer lige BiH, Prve lige NS F BiH, Prve lige FS RS i Drugih liga NS F BiH i FS RS.

Konačnu odluku o uslovnosti stadiona i dozvoli za odigravanje utakmica na istim, donosi Komitet za takmičenje NS/FS BiH, na preporuku Komiteta za stadione i bezbjednost NS/FS BiH.

ORGANIZACIJA TAKMIČENJA

Član 4.

Takmičenjem Kupa regija NS/FS BiH rukovodi Komitet za takmičenje NS/FS BiH, u saradnji sa Službom za takmičenje i suđenje NS/FS BiH.

Član 5.

Rukovodeći se principom ekonomičnosti i smanjenja troškova, ekipe učesnici se u prvom krugu takmičenja dijele u četiri grupe, i to:

Grupa A:

1. PFS Banja Luka
2. PFS Gradiška
3. PFS Prijedor
4. NS Unsko-Sanskog kantona

Grupa B:

1. NS Tuzlanskog kantona
2. FSP 'Semberija – Majevica – Birač' Bijeljina
3. NS Posavske županije Orašje
4. PFS Dobojskog kantona

Grupa C:

1. NS Srednjobosanskog kantona/Kantona Središnja Bosna
2. NS Zeničko - Dobojskog kantona
3. PFS Istočno Sarajevo
4. FS Bosansko - Podrinjskog kantona

Grupa D:

1. NS Hercegovačko-Neretvanske županije / kantona /
2. NS Županije Herceg – Bosanske Livno
3. PFS Trebinje
4. Županijski NS Zapadnohercegovački
5. Fudbalski savez kantona Sarajevo

Raspored odigravanja utakmica određuje se žrijebom kojim rukovodi Komitet za takmičenje NS/FS BiH, a čitav tok takmičenja se odigrava po sistemu eliminacije.

PRVI DIO: Ekipe podijeljene po grupama (A,B,C i D) u prvom dijelu takmičenja odigravaju utakmice prema sistemu eliminacije, na koji način će se dobiti pobjednici grupa.

DRUGI DIO: Nakon odigranog prvog kruga po grupama pobjednici u drugom dijelu igraju polufinalne utakmice na slijedeći način:

Pobjednik grupe 'A' igra protiv pobjednika grupe 'C', a pobjednik grupe 'B' igra protiv pobjednika grupe 'D'.

Komitet za takmičenje NS/FS BiH također žrijebom određuje domaćina utakmica drugog dijela takmičenja.

U svim fazama takmičenja Kupa Regija 2026. igra se po jednostrukom kup sistemu, a tokom takmičenja jedna ekipa ne može biti dva puta slobodna (grupa 'D').

Finalna utakmica se igra u organizaciji NS/FS BiH, u Trening centru NS/FS BiH u Zenici.

Član 6.

Kantonalni/županijski i područni savezi čije reprezentacije učestvuju u takmičenju obavezni su, najkasnije u roku od 14 dana prije žrijebanja, u Službu za takmičenje i suđenje NS/FS BiH, dostaviti:

- mjesto, naziv stadiona i vrijeme odigravanja utakmica
- spisak igrača, boju opreme (dres, gaćice i štucne), kao i rezervnu boju
- naziv i mjesto alternativnog stadiona za odigravanje utakmica.

Član 7.

Zahtjev za izmjenu termina odigravanja utakmica može se podnijeti sedam dana prije utvrđenog termina odigravanja utakmice.

Nakon isteka roka iz stava 1. ovog člana, za izmjenu termina potrebno je dostaviti i saglasnost protivničke ekipe.

O zahtjevima za izmjenu termina odigravanja utakmica odlučuje Komitet za takmičenje NS/FS BiH i takva odluka je konačna.

OBAVEZE KANTONALNIH/ŽUPANIJSKIH I PODRUČNIH SAVEZA

Član 8.

Kantonalni/županijski i područni savez čija je amaterska reprezentacija domaćin utakmice obavezan je pripremiti teren za igru, a odluku o pogodnosti terena za odigravanje utakmice donosi sudija.

Takmičenje se administrativno vodi kroz COMET sistem. Sve ekipe su dužne najkasnije 14 dana prije prvog kola prijaviti maksimalno 35 igrača, i samo prijavljeni igrači imaju pravo nastupa do kraja takmičenja.

Kantonalni/županijski i područni savezi su obavezni u COMET sistemu formirati svoju reprezentaciju i unijeti igrače i trenere koji su prijavljeni za nastup u toj reprezentaciji.

Ovjeru registracije igrača vrši administrator igrača NS/FS BiH.

Ekipe domaćina obavezna je da delegatu utakmice stavi na raspolaganje računar sa internet konekcijom i štampač, te da pruži svu neophodnu pomoć u sastavljanju zapisnika za utakmicu.

Savez domaćin je obavezan na jarbolu postaviti državnu zastavu Bosne i Hercegovine, zastavu NS/FS BiH, a mogu se postaviti entitetske i zastave kantonalnih/županijskih i područnih saveza, kao i zastava fair-playa.

Postavljanje drugih zastava nije dozvoljeno.

Savez domaćin je dužan preduzeti sve mjere u cilju obezbjeđenja ličnosti svih učesnika utakmice, za vrijeme i po završetku utakmice, sve do napuštanja stadiona i mjesta odigravanja utakmice.

Savez domaćin je obavezan nadležnoj policijskoj upravi prijaviti mjesto i vrijeme odigravanja utakmice, a na zahtjev policijske uprave i druge relevantne podatke.

Utakmica se ne može igrati bez pripadnika policije, sanitetskog vozila, ljekara i dovoljnog broja redara.

Član 9.

Za vrijeme odigravanja utakmice u tehničkom prostoru ekipe mogu se nalaziti slijedeće osobe:

- službeni predstavnik ekipe (odjeven u odijelo, sa ili bez kravate);
- selektor (koji posjeduje najmanje UEFA "B" trenersku licencu i dva pomoćna trenera minimalno sa "C" trenerskom licencom;
- sedam zamjenskih igrača u sportskoj opremi;
- ljekar i fizioterapeut.

Član 10.

Reprezentacije saveza su obavezne na stadion doći 90 minuta prije početka odigravanja utakmice.

Član 11.

U slučaju da su ekipe prijavile, ili su na teren izašle sa istom ili sličnom bojom dresova, dresove će promijeniti domaća ekipa.

PRAVO NASTUPA

Član 12.

Na utakmicama Kupa regija NS/FS BiH pravo nastupa imaju igrači uneseni u COMET sistem:

- registrovani igrači sa pravom nastupa za klubove Druge lige i nižih stepena takmičenja u takmičarskoj sezoni 2025/26;
- igrač mora imati najmanje 19 godina na datum svog prvog nastupa u takmičenju (npr. 1. avgusta 2026, igrač rođen 1. avgusta 2007 ili prije ima pravo nastupa)
- igrač mora biti mlađi od 40 godina na datum svog prvog nastupa u takmičenju (npr. 1. avgusta 2026, igrač rođen 1. avgusta 1986, ili prije nema pravo nastupa).

Član 13.

Igrači moraju biti propisno registrovani kao aktivni igrači u kantonalnim/županijskim ili područnim savezima, koje zastupaju u takmičenju najmanje dvije godine bez prekida na datum njihovog prvog pojavljivanja na takmičenju (npr. 1. avgusta 2026. godine, igrač koji je prijavljen kantonalno/županijsko ili područno udruženje od 1. avgusta 2024. godine ili ranije ima pravo nastupa).

IDENTITET IGRAČA

Član 14.

Na utakmicama Kupa Regija mogu nastupiti samo igrači čiji je identitet utvrđen putem fotografije iz COMET sistema, a u slučaju da COMET nije u funkciji, identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET sistemu (kada je nemoguće utvrditi identitet), delegat utakmice neće dozvoliti nastup na utakmici.

Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

DELEGAT NA UTAKMICI

Član 15.

Delegat na utakmicama Kupa regija NS/FS BiH određuje Komitet za takmičenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Dužnost delegata na utakmicama Kupa Regija NS/FS BiH mogu obavljati delegati sa lista delegata WWIN lige BiH i liste perspektivnih delegata FS RS i NS FBiH.

Delegat utakmice obavezan je 90 minuta prije početka utakmice u prostorijama stadiona održati radni sastanak (brifing) sa predstavnicima ekipa/reprezentacija, sudijama, komesarom za bezbjednost saveza domaćina utakmice i predstavnikom policije.

SUDIJE/POSMATRAČ

Član 16.

Sudije za utakmice Kupa regija NS/FS BiH određuje Komitet za sudije i suđenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Utakmice Kupa Regija NS/FS BiH sude sudije sa liste sudija Premijer lige BiH, Prve lige NS F BiH i Prve lige FS RS.

Za utakmice Kupa regija NS/FS BiH određuju se sudija, dva asistenta sudije i četvrti sudija.

Komiteta za sudije i suđenje NS/FS BiH na utakmice Kupa Regija 2026 određuje posmatrač suđenja sa liste posmatrača WWIN lige BiH, Prve lige NS Federacije i Prve lige Republike Srpske, za takmičarsku sezonu 2025/26.

Posmatrač za suđenje ima pravo na naknadu troškova u iznosu od 70,00 KM.

U prednje navedeni iznos naknade uračunata je dnevnicu, a putni troškovi se isplaćuju u skladu sa zakonskim propisima (15% od cijene supera benzina po pređenom kilometru), odnosno najviše do 100,00 KM po osobi, bez obzira na udaljenost.

ZAPISNIK

Član 17.

Delegat sastavlja zapisnik sa utakmice elektronski u COMET sistemu. Ekipe su dužne prije početka utakmice dostaviti ovjeren i potpisan spisak igrača i službenih lica svoje ekipe na propisanom obrascu.

Svaka reprezentacija saveza u zapisnik sa utakmice mora prijaviti minimalno 18 igrača, a tokom igre se može izvršiti pet zamjena, tokom najviše tri prekida igre. Zamjene izvršene prije početka utakmice i tokom poluvremena ne računaju se u prekide igre. Igrač koji je zamijenjen, ne može više ulaziti u igru.

Po završetku utakmice zapisnik sa utakmice sastavljen putem COMET sistema, sravnjavaju delegat i sudija, nakon čega delegat zaključuje izvještaj fair playa, a sudija utakmice svojom šifrom zaključuje zapisnik sa odigrane utakmice.

REGISTRACIJA UTAKMICA

Član 18.

Komiteta za takmičenje NS/FS BiH vrši registraciju odigranih utakmica na prvoj narednoj sjednici nakon dana odigravanja utakmica, a u slučaju ulaganja žalbe na odigranu utakmicu, registracija se odgađa do konačne odluke nadležnog organa po uloženoj žalbi.

UTVRĐIVANJE PLASMANA

Član 19.

Tokom cijelog takmičenja u slučaju neriješenog rezultata izvode se udarci sa tačke kaznenog udarca za dobijanje pobjednika na utakmici.

Član 20.

Ukoliko ekipa, nakon obavljenog žrijeba takmičarskih parova, svojom krivicom odustane od takmičenja, ili neopravdano ne dođe na odigravanje utakmice, u dalje takmičenje će se plasirati protivnički klub.

Ekipa koja neopravdano odustane od takmičenja ili neopravdano ne dođe na odigravanje utakmice, snosit će disciplinske posljedice u skladu sa odredbama Disciplinskog pravilnika NS/FS BiH.

Reprezentacija pobjednika Kupa Regija NS/FS BiH učestvuje u UEFA Kupu regija.

ŽALBE

Član 21.

Žalbe po svim osnovama moraju se e-mailom ili podneskom na protokol NS/FS BiH najaviti u roku do 24 sata po odigranoj utakmici, a obrazloženje sa dokazom o uplaćenju taksi mora se dostaviti u roku od 48 sati po odigranoj utakmici.

Žalbe se dostavljaju Komitetu za takmičenje NS/FS BiH.

Odluka o žalbi donosi se u roku od sedam dana od dana prijema žalbe.

Žalba na odluku Prvostepenog organa može se podnijeti Apelacionoj komisiji NS/FS BiH, u roku do tri dana od dana prijema odluke Prvostepenog organa.

Drugostepena odluka se donosi u roku od sedam dana od dana prijema žalbe.

DISCIPLINSKE ODREDBE

Član 22.

O disciplinskim prekršajima učesnika Kupa regija NS/FS BiH odlučuje Disciplinska komisija NS/FS BiH, a u skladu sa Disciplinskim pravilnikom NS/FS BiH.

FINANSIJSKE ODREDBE

Član 23.

Prihodi sa utakmica Kupa regija NS/FS BiH pripadaju savezu domaćinu utakmice.

Naknade službenim licima isplaćuju se putem Sektora za administraciju NS/FS BiH, a troškove snosi NS/FS BiH.

Kantonalni/županijski/područni savezi snose ostale troškove (prevoz, smještaj, ishrana i dr.) za svoje reprezentacije.

NS/FS BiH snosi troškove organizacije finalne utakmice u Trening centru NS/FS BiH.

Način finansiranja učešća pobjednika Kupa regija NS/FS BiH na takmičenju Kupa regija UEFA će biti utvrđen odlukom Izvršnog odbora NS/FS BiH.

NAGRADE

Član 24.

Nogometni/Fudbalski savez BiH dodjeljuje reprezentaciji pobjedniku Kupa regija NS/FS BiH pehar i 35 zlatnih medalja, dok se finalisti dodjeljuje 35 srebrenih medalja.

ZAVRŠNE ODREDBE

Član 25.

Za sve što nije predviđeno ovim Propozicijama Kupa Regija važe odredbe Pravilnika o nogometnim/fudbalskim takmičenjima NS/FS BiH, Pravila nogometne/fudbalske igre i drugih propisa NS/FS BiH.

Član 26.

Propozicije stupaju na snagu i primjenjuju se danom objave u Službenom glasniku Nogometnog/Fudbalskog saveza BiH.

NOGOMETNI/FUDBALSKI SAVEZ BOSNE I HERCEGOVINE
SARAJEVO
Broj: 02-4616-2d/125
Datum: 29. 12. 2025 god.



Broj: 02-4616-2d)-1/25
Sarajevo, 29.12.2025. godine

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj 29.12.2025. godine, d o n o s i

ODLUKU

o Kalendaru takmičenja KUPA REGIJA NS/FS BiH za 2026. godinu

Mart/Mart	18.03.2026	<i>Kup Regija NS/FS BiH 2026 Utakmice - Prvi dio</i>	15:00	
	25.03.2026.	<i>Kup Regija NS/FS BiH 2026 Utakmica grupe 'D' - Prvi dio</i>	15:00	
April/Travanj	15.04.2026.	<i>Kup Regija NS/FS BiH 2026 Utakmice - Prvi dio</i>	16:00	
	29.04.2026.	<i>Kup Regija NS/FS BiH 2026 utakmice - Drugi dio</i>	16:00	
Maj/Svibanj	27.05.2026.	<i>Finale Kupa Regija NS/FS BiH 2026</i>	17:00	TC NS/FS BiH



PREDSJEDNIK
Vico Zeljković

[Handwritten signature]